



UNIVERSITÄTS-
BIBLIOTHEK
PADERBORN

**Angeli Cvstodis Ad Hvgonem Grotivm Svper Nvpero Eivs
Carcere Paræneticon**

Hemelaers, Jan

Antverpiae, 1621

Hvgoni Grotio I. C.

[urn:nbn:de:hbz:466:1-70494](https://nbn-resolving.org/urn:nbn:de:hbz:466:1-70494)

HVGONI GROTI

I. C.



VM nuper ad te, Hvco
GROTI (quando miro quo-
dam commento ceu strata-
gemate, ipse paullo antè cu-
stodia damnas, per excubias
& custodias inimicas, in cu-
stodiâ viatoriâ, ab ipsis custodiis tuis, sed igna-
ris, ex hostili custodiâ & pœnali carcere elatus
feliciter euasisti, & iam liber Antuerpiam hanc
nostram applicuisti) visendi & congratulandi
causâ accessissem, & pro re natâ, & sermonis,
ut sit, vario cursu, tu Scazontes tuos versus in
solatium tibi causseq; & carceris socio Hoger-
betio scriptos recitasses, eorumq; etiam copiam
fecisses; incesit me mox lubentia super hoc car-
ceris tui atque felicitis ex eo effugij argumento,
simili carminis genere aliquid ludendi, quod ele-
gantissimis tuis versibus si non lepore, saltem
materiâ responderet. Verum cum in id inten-
denti cogitationem mihi, & iam stylum in ma-
nus sumenti inuentiuncula crescerent ac se dif-
unde-

4
funderent; & Scaxontis illa claudicatio concinna, lasso facile penultima sedis desultorio illo Iambi pede, difficulter admodum mihi procederet, & in plusculos se passus seu saltus producere recusaret; verti modos, & assueti magis, ut sic dicam, tripudij Iambos, ut minus fatigandos in scenam produxi. Hic cursum, ut videbis, longiusculum producere ausi sunt, vnius quem pro tota orchestrâ & caueâ sibi spectatorem auditoremq; destinârunt, seu paucorum certè aliorum oculis & auribus, ut se probarent animatum & beneuolentiæ stimulis excitati, quæ tibi suæ velut modos, ad numeros opportunè & largiter adhibebat. Qui quidem seu auditor seu spectator vel vnus, vel saltem primus, cum tunc esses; non potui non hunc Lusum arbitrij & iuris tui facere. Habebis igitur hunc super
VARIO CARCERVM GENERE conceptum, non ingenij aut doctrinæ, quæ mihi non arrego, sed voluntatis in rem & salutem tuam saltem nostræ propensioris foetum; eoq; manifestior, quò diffusior hic sermo est. Amor enim, ut nosti, si minùs esse disertus possit, multiloquio tamen gaudet. Quem etiam vel ex hoc probare possis, quia eo maximè tempore alloquium hoc produxit, quando nostri Instituti homines, qui
Eccle-

5
Ecclesie functionibus adscripti sumus, plures
& statae occupationes serieq; differre & deti-
nere fere totos solent: Hebdomada quippe illius
ferijs minimè feriatis, quam, ob maxima in nos
Christianos illo anni tempore collata calitùs
beneficia & charismata, MAIOREM, siue BO-
NAM, siue SANCTAM priscâ nuncupatione
indigitamus. Sed & cura atque amoris in te
Angeli Custodis tui peculiariter hîc tesseram
agnosces, quo & ipsum accensum, meo Custodi
hac vt describenda mihi suggereret (instanta-
neo illo scilicet Angelici sermonis modo, quo al-
ter alteri suae mentis conceptus pandere solet)
auctorem fuisse vix dubitandum putem. Neque
exim ego (qui ad quattuor vestros, viginti plus
minus versus pangere paraueram, in eo scri-
ptionis & metri genere vix versatus, & si ali-
quando fuisset, arefactâ iam pridem per desue-
tudinem venâ, eorumq; argumentum & velut
οὐροχαρίαν iam cum Casperio Geuartio, qui
mecum ad te viserat, candidissimo & elegan-
tissimo illo amico communicaueram) tam sat
multos, humilem licet rusticumq; & simpli-
cem, ac minimè cothurnatum sermonem, ad
modulum & morem nempe ac tenuitatem cen-
sus hîc & alibi mei, crescente sub ipso stylo &

manu materiâ, & non grauâtè in ordines & numeros suos se aptante, effudissem, nisi omnis Phœbi aut Euterpes loco, Angeli boni suggestio materiẽ & verba scribenti ferè ex tempore suppeditasset. Leges itaque, sed (quod paciscor, & seriò atque amicè peto) qualis caussas pro tribunali definiturus soles, seposito inolite tantissè consuetudinis, quam Batavia patria nunc habet, & institutionis à puero tibi infusa affectu, vtramq; scilicet aurem vacuam & non præoccupatam adferens agnoscendæ veritati. Tum & hocce, rogem, schemate tibi proposito hæc legere non detrectabis, atque si totidem verbis Angelum tuum diuinâ sed visibili tibi specie iuxta adstantem, amantissimum velut pedagogum, caligantis (quod in re Fidei arduâ, & supra humanum captum ascendente necesse est) iudicij & intellectus moderatorem, compellantem & instantem tibi coram oculis cernere, auribus blando illo celestis oris sono illabentem audire contingeret. Quæ quidem Angelica visitationis familiaritas vt multis è Sanctorum numero contigit, ita peculiariter & frequenter nobili virgini & martyri Cecilia, itemq; sanctæ Franciscæ viduæ, Romanis, & nostræ, passionibus Christi Domini per triginta tres annos confor-

conformatissima virgini & populari S. Iyd-
vridi Sciedamensi; quas & mentis puritas, &
mundi solidus contemptus, & flagrans amor
Dei hacce Angelica visionis familiaritate olim
& nuper dignas fecit. Atque utinam ea vis An-
gelica huius Paranesios sit, ut (quod est Ora-
tore tanto dignum) non appositè tantum, sed
efficaciter etiam ad persuadendum & dixisse,
& auscultatus esse possit. Faxit Deus; teq; re-
ducem Ecclesia sua, & in eâ nobis clementer
sistat, Dominus ille Redemptor tuus & meus;
qui & ex omnibus carcerum periculis ani-
mam tuam liberasse videtur, ut tute iuris iam
tandem tui factus, & voluntatem sub eius lege,
sponsaq; eius Ecclesie, & intellectum sub Re-
gulâ tradita & propagata calo Orthodoxæ
Catholicæ Fidei, & memoriam sub accepto-
rum agnitione & gratiâ beneficiorum, ceu gra-
titudinis præscripto debitoq; iugo, non gravatè
aut valdè restitans, ideoq; affluentiore merito,
ut tuæ iam spontis existens, liberè captiuares:
quiq; idem Dominus ac Saluator noster ho-
dierno magno illo ac solemni præ ceteris die, &
hac eâdem quâ hac maximè scribebamus horâ
(sub auroram Paschalis nempe diei) constructo
infernî carcere, captivâq; ductâ captiuitate,

A 4. trium-

3
triumpho nobili victor ad superos gloriosè est
reuectus. Sic per illa vt paullo antè humiliati
& indignissima passi, ita hac horâ clarificati &
supra modum exaltati Domini gloriosa merita
ex animo vouebam, spei bonæ plenus, & ferè
securus de euentu: quando & eodem hoc
magno publici Christianorum triumpho atque
gaudij die te materni carcer vteri in liberam
hanc lucem (quod recens intellexi) feliciter pro-
duxerit: vt tam laureatâ nimirum festâq; so-
lemnitate (cui nec Alexandri Macedonis nata-
lis geminâ Philippi parentis victoriâ illustris
componi vel per vmbram potest) mundi huius
stadium ingressus, nec tu de indulgentissimi
agonothetæ palmis seu brauiio desperares, neque
nos, qui prolixam in ceteris diuinæ bonitatis er-
ga te liberalitatem admiramur, in eo quodd
VNVM est NECESSARIUM, aut tuam volun-
tatem desiderandam, aut Dei manum abbre-
uiandam metueremus. Cùm enim solemnè in-
augurandi Principis ingressu, publicæq; letitiis
die, exulum omnium, quocumq; currum eius
affectantur, vita, libertas, iusq; patriæ ac fami-
liæ in integrum restitui soleant; quis non confi-
dat, hunc tam singularis letitiæ atque indul-
gentissimæ beneficentiæ celestis Regis cemi-
tem,

tem, ad triumphantis ingressum se sistentem,
imò ab ipso eodem productum, triumphalis
participatione priuilegij priuatum iri vix pos-
se? Verùm quia reuocande Donationis iura in
vnâ, vt maximè, ingratitudinis culpâ fundari
Iurisconsulti vestri tradunt; hanc tute vt eua-
das, in tuâ nunc industriâ & manu, occasio-
nisq; oblata non supino amplexu, adspirante
quæ nunc tibi se offert diuinâ gratiâ, situm scias.
Hanc autem Occasionis bonæ HORAM tuam,
ne RVAT tibi, aut ruisse eam post serus gemas,
bonam tibi imprimis Mentem, & ad Angeli-
cam Commonitionem aures contriti & humi-
liati cordis à Deo propitio concedi totus precor.
Quo in voto finem facio, non euanidi affectus
erga te & salutem tuam mei, lucubrationculæ
huius quali quali curâ, etsi minùs ad meam vo-
luntatem & aciem tuam accuratâ, fidem tibi
factam volens, & factum iri confidens,

IO. HEMELARIVS.

A 5

14-